



საქართველოს საბჭოთა სოციალისტური რესპუბლიკის
 მუშათა და გლეხთა მთავრობის
კანონთა და განკარგულებათა კრებული
 საქართველოს სსრ სახალხო კომისართა საბჭოს
 საქმეთა მმართველობის გამოსცემა

1937 წ. ნოემბერის 25. № 13 თბილისი

შ ი ნ ა რ ს ი

სახელმწიფოს თავდაცვა

84. ურულიად საქართველოს ცენტრალური უმასრულებელ კომიტეტის პრეზიდიუმთან ჩსებული, სამოქალაქო ომისა და წითელი არმიის ისტორიულ ძეგლთა დაცვის კოპისიის იკვიდაციის შესახებ.

სამოქალაქო სამართალი

85. „მოთვლელობის გამო ქალაქ ადგილას აცხოვრებელ შენობათა მუნიციპალიზაციის სის თაობაზე“ გამოცემული დადგენილების 7 და მე-8 მუხლების შეცვლის შესახებ.

მ შ ე ნ ე ბ ლ ო ბ ა

86. საშენი მასალის წარმოებაზე ანგარიშგების შესახებ.

მიწის, წყლის და ტყის მეურნეობა. სოფლის მეურნეობა

87. საქ. სსრ მიწადმოქმედების სახალხო კო-სარიატთან კოლხიდის დასახლების სამმართველოს მიწყობის შესახებ.
 88. კოლმეურნეობათა სამუდამო სარგებლო-ბი გადაცემული საფარი და წყლის დაცვითი ეებით სარგებლობის წესის შესახებ.
 89. 1938 წელს გერანის გაშენების გეგმის აახებ.
 90. სავალდებულო ნატურალური ჩაბარების, მანქანო-სატრაქტორო სადგურების მიერ

კოლმეურნეობებთან დადებული ხელშეკრულე-ბებისა და საკონტრაქტაციო ხელშეკრულებების თაობაზე, კოლმეურნეობების, კოლმეურნეების და ერთპიროვნულ მეურნეობების საჩივრების განსახილველად კომისიის დაარსების შესახებ.

სათევზაო და სანადირო მეურნეობა

91. „საქართველოს სსრ-ში ნადირობის წესე-ბისა და ვადების თაობაზე“ გამოცემული დად-გენილებისათვის მე-71 მუხლის დამატების შე-სახებ.

ფ ი ნ ა ნ ს ე ბ ი

92. გადასახადთა და სადაზღვევო გადასახდელ-თა მიმღები სალაროებისა და სასოფლო შენახ-ველი სალაროების სათანადო სადგომებით და ნაცადი კადრებით უზრუნველყოფის შესახებ.

93. გადამხდელთა ცალკეული კატეგორიები-სათვის შენობის გადასახადის შენობის ღირე-ბულების 2%-მდე გადიდების შესახებ.

შ რ ო მ ა

94. მაღალი კვალიფიკაციის სპეციალისტების სამუშაო ხელფასის პერსონალური განაკვეთების დანიშვნის წესის შესახებ.

გ ა ნ ა თ ლ ე ბ ა

95. მატერიალური კულტურისა და ხელოვ-ნების ძეგლთა დაცვის შესახებ.

სოციალური უზრუნველყოფა

სასამართლო წყობილება და სასამართლო წყობილება

96. საქართველოს სსრ სოციალური უზრუნველყოფის სახალხო კომისარიატთან არსებული ინვალიდთა შრომითი მოწყობის საბჭოს გაუქმების შესახებ.

97. მთავარი რესპუბლიკური სანოტარო კონტორის მოწყობის შესახებ.

98. იმ დოკუმენტების ნუსხის დამატების შესახებ, რომლებითაც გადახდევინება წარმოებს სანოტარო ორგანოების სააღსრულებო წარწერების თანახმად.

სახელმწიფოს თავდაცვა

84. დადგენილება ც. ა. კ.

სრულიად საქართველოს ცენტრალური აღმასრულებელი კომიტეტის პრეზიდიუმთან არსებული, სამოქალაქო ომისა და წითელი არმიის ისტორიულ ძეგლთა დაცვის კომისიის ლიკვიდაციის შესახებ.

სრულიად საქართველოს ცენტრალური აღმასრულებელი კომიტეტი ადგენს:

1. ლიკვიდირებულ იქნას 1937 წლის ივლისის 1-დან სრულიად საქართველოს ცენტრალური აღმასრულებელი კომიტეტის პრეზიდიუმთან არსებული, სამოქალაქო ომისა და წითელი არმიის ისტორიულ ძეგლთა დაცვის კომისია, და ამ ძეგლთა დაცვის, აღრიცხვისა და რესტავრაციის სამუშაო გადაეცეს საქართველოს სსრ სახალხო კომისართა საბჭოსთან არსებულ ხელოვნების საქმეთა სამმართველოს, 1937 წლის ყველა ასიგვნით და საშტატო ერთეულით.

2. გაუქმებულ იქნას სრულიად საქართველოს ცენტრალური აღმასრულებელი კომიტეტის 1934 წ. ივნისის 16-ის დადგენილებით დამტკიცებული დებულება სრულიად საქართველოს ცენტრალური აღმასრულებელი კომიტეტის პრეზიდიუმთან არსებული, სამოქალაქო ომისა და წითელი არმიის ისტორიულ ძეგლთა დაცვის კომისიის შესახებ (საქ. სსრ კან. კრ. 1934 წ. მე-19 №-ი, მუხ. 160).

სრ. საქ. ც.ა.კ-ის თავმჯდომარე ფ. მახარაძე.

სრ. საქ. ც. ა. კ-ის მდივნის მ. ა. გ. გოჩაშვილი.

1937 წ. ივნისის 21. № 215.
თბილისი.

სამოქალაქო სამართალი

85. დადგენილება ც.ა.კ. და ს.კ.ს.

„მოუფლედობის გამო ქალაქ-ადგილას საცხოვრებელი შენობათა მუნიციპალიზაციის წესის თაობაზე“ გამოცემული დადგენილების მე-7 და მე-8 მუხლების შეცვლის შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

მე-7 და მე-8 მუხლებში სრულიად საქართველოს ცენტრალური აღმასრულებელი კომიტეტის და საქართველოს სსრ სახალხო კომისართა საბჭოს 1928 წ. აპრილის 28-ის დადგენილებისა „მოუფლედობის გამო ქალაქ-ადგილას საცხოვრებელ შენობათა მუნიციპალიზაციის წესის შესახებ“ (საქართველოს სსრ სამოქალაქო სამართლის კოდექსის 69 მუხლის შენიშვნის დანართი—საქ. სსრ კან. კრ. 1928 წ., მე-7 №-ი, მუხ. 57) სიტყვები „სრულიად საქართველოს ცენტრალური აღმასრულებელი კომიტეტის პრეზიდიუმს (პრეზიდიუმის) შეიცვალოს სიტყვებად „საქართველოს სსრ სახალხო კომისართა საბჭოს“.

სრ. საქ. ც. ა. კ-ის თავმჯდომარე ფ. მახარაძე.

საქ. სსრ ს. კ. ს-ის თავმჯდომარის მოადგ. ვ. დეკანოზოვი.

სრ. საქ. ც. ა. კ-ის მდივნის მ. ა. გ. გოჩაშვილი.

1937 წ. ივლისის 29. № 216/586.

თბილისი.

მ უ ნ ე ბ ლ ო ბ ა

86. დადგენილება ს. კ. ს.

საშენი მასალის წარმოებაზე ანგარიშგების შესახებ.

„საშენი მასალის წარმოებაზე ანგარიშგების შესახებ“ გამოცემული, სსრ კავშირის სახალხო კომისართა საბჭოს 1937 წ. ივნისის 3-ის თარიღის და 899 №-ის დადგენილების შესაბამისად, საქართველოს სსრ სახალხო კომისართა საბჭო ადგენს:

1. დავალოს საქართველოს სსრ ადგილობრივი მრეწველობის სახალხო კომისარიატს—წარუდგინოს დაწყებული 1937 წ. ივლისიდან სსრ კავშირის სახელმწიფო საგეგმო კომისიის სახალხო-სამეურნეო აღრიცხვის ცენტრალურ სა-

მმართველოს, ხოლო ასლი—საქართველოს სსრ სახალხო-სამეურნეო აღრიცხვის სამმართველოს, ყოველთვიური ანგარიშგება საშენი მასალის წარმოებაზე 1-ლი №-ის ფორმით—„საშენი მასალის გამომუშავების ნატურალურად გამოხატული კრების“, შემდეგი წესისამებრ:

ა) სარაიონო აღმასრულებელი კომიტეტებისა და საქალაქო საბჭოების მრეწველობის ხაზით—თვის 15 რიცხვში, სასწრაფო ფოსტით;

ბ) ადგილობრივი მრეწველობის ხაზით—თვის 7 რიცხვში სასწრაფო ფოსტით.

2. დაევალოს აფხაზეთის ასსრ-ის, აჭარის ასსრ-ისა და სამხრეთ-ოსეთის ავტ. ოლქის ცენტრალურ აღმასრულებელ კომიტეტებს დააწესონ 1937 წ. ივლისიდან სარაიონო აღმასრულებელი კომიტეტებისა და საქალაქო საბჭოების საფოსტო ანგარიშგება ავტონომიური რესპუბლიკების ადგილობრივი მრეწველობის სახალხო კომისარიატებისა და ავტონომიური ოლქის ადგილობრივი მრეწველობის სამმართველოს წინაშე საშენი მასალის წარმოებაზე—ისე, რომ ამ უკანასკნელთ უზრუნველყონ 1937 წლის ივლისიდან საქართველოს სსრ ადგილობრივი მრეწველობის სახალხო კომისარიატისათვის საშენი მასალის წარმოების გეგმის შესრულების კრებისითი ცნობების წარდგენა 1-ლი №-ის ფორმის მიხედვით (იხ. მუხ. 1-ლი) შემდეგ ვადებზე:

ა) ავტონომიური რესპუბლიკისა და ავტონომიური ოლქის სარაიონო აღმასრულებელი კომიტეტებისა და საქალაქო საბჭოების ხაზით—10 რიცხვში სასწრაფო ფოსტით;

ბ) ავტონომიური რესპუბლიკებისა და ავტონომიური ოლქის ადგილობრივი მრეწველობის ხაზით—3 რიცხვში სასწრაფო ფოსტით.

3. დაევალოს სარაიონო აღმასრულებელი კომიტეტებისა და საქალაქო საბჭოების თავმჯდომარეებს—წარუდგინონ დაწყებული 1937 წ. ივლისიდან საქართველოს სსრ ადგილობრივი მრეწველობის სახალხო კომისარიატს დამტკიცებული ფორმების მიხედვით საფოსტო ანგარიშგება სარაიონო აღმასრულებელი კომიტეტებისა და საქალაქო საბჭოების მრეწველობის მიერ საშენი მასალის (აგურის, კირის, ალემასტრის, კრამიტის და სხვ.) წარმოების გეგმების შესრულების შესახებ, ყოველთვიურად არა უგვიანეს 5 რიცხვისა, სასწრაფო ფოსტით.

4. მიენდოს საქართველოს სსრ ადგილობრივი მრეწველობის სახალხო კომისარიატს—მისცეს აფხაზეთის ასსრ-ისა და აჭარის ასსრ-ის ადგილობრივი მრეწველობის სახალხო კომისარიატებს და სამხრეთ-ოსეთის ავტ. ოლქის ადგილობრივი მრეწველობის სამმართველოს, აგრეთვე სარაიონო აღმასრულებელი კომიტეტებისა და საქალაქო საბჭოების თავმჯდომარეებს სათანადო მითითებანი ამა დადგენილების აღსრულების შესახებ; ეს მითითებანი წინასწარ შეუთანხმოს საქართველოს სსრ სახალხო-სამეურნეო აღრიცხვა: სამმართველოს.

ბ. საშენი მასალის წარმოების გეგმის შესრულების შესახებ წარსადგენი საანგარიშო ცნობები შედგენილ უნდა იქნას მარტოოდენ საქართველოს სსრ სახალხო კომისართა საბჭოს მიერ დამტკიცებული გეგმების მიხედვით.

საქ. სსრ ს. კ. ს-ოს თავმჯდომარის მოადგ. ვ. დეკანოზოვი.

საქ. სსრ ს. კ. ს-ოს საქმეთა მმართველი ვ. ბუჯიაშვილი.

1937 წ. ივლისის 1. № 800.
თბილისი.

მიწის, წყლის და ტყის მეურნეობა. სოფლის მეურნეობა

87. დადგენილება ს. კ. ს.

საქ. სსრ მიწათმოქმედების სახალხო კომისარიატთან კოლხიდის დასახლების სამმართველოს მოწყობის შესახებ.

1. საქ. სსრ მიწათმოქმედების სახალხო კომისარიატთან არსებულ კოლხიდის სასოფლო-სამეურნეო ათვისების განყოფილების კოლხიდის დასახლების სამმართველოდ რეორგანიზების შესახებ საქ. სსრ მიწათმოქმედების სახალხო კომისარიატის წინადადება მიღებულ იქნას, სამმართველოს მდებარეობის ადგილად დაწესდეს ქ. ფოთი.

კოლხიდის დაბლობის სასოფლო-სამეურნეო ათვისება დაეკისროს საქ. სსრ მიწათმოქმედების სახ. კომისარიატის სუბტროპიკულ სამმართველოს. საქ. სსრ მიწათმოქმედების სახალხო კომისარიატის შტატის ფარგლებში ორგანიზებულ იქნას კოლხიდის სასოფლო-სამეურნეო ათვისების სექტორი.

კოლხიდის დასახლების სამმართველოს შტატის შენახვა მიღებულ იქნას მშენებლობის ღირებულების ანარიცხების ხარჯზე.

2. დაწესდეს, რომ კოლხიდის დასახლების სამმართველო ახორციელებს შემდეგ ღონისძიებებს:

1) გადასახლებულთა კონტინგენტის შერჩევა;

2) ახალი დაბებისა და სასოფლო-სამეურნეო ნაგებობის მშენებლობა.

საქ. სსრ მიწათმოქმედების სახალხო კომისარიატთან არსებულ კოლხიდის დასახლების სამმართველოს შტატი განისაზღვროს ათი ერთეულის რაოდენობით.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ვ. ბუჯიაშვილი.

1937 წ. აგვისტოს 10.
ქ. თბილისი.

88. დადგენილება ს. კ. ს.

კოლმეურნეობათა სამუდამო სარგებლობაში გადაცემული საფარი და წყლის დაცვითი ტყეებით სარგებლობის წესის შესახებ.

სსრ კავშირის სახალხო კომისართა საბჭოს მიერ 1937 წ. 15 მაისის 786 №-ით „კოლმეურნეობათა სამუდამო სარგებლობაში გადაცემული წყლის დაცვითი ზონის ნაკრძალავი ზოლის ტყეების შესახებ“ (სსრკ. კან. კრ. 1937 წ. № 34, მუხ. 138) გამოცემული დადგენილების შესაბამისად და იმ მიზნით, რათა საქართველოს სსრ ტერიტორიაზე შენახულ იქნას საფარი და წყლის დაცვითი ტყეები, მიუხედავად იმისა, თუ ვის მფლობელობაში იმყოფებიან ისინი, საქართველოს სსრ სახალხო კომისართა საბჭო ადგენს:

1. საქართველოს სსრ ტერიტორიაზე მყოფი საფარი და წყლის დაცვითი მნიშვნელობის ყველა ტყეები, რაც სახელმწიფო აქტების თანახმად გადაცემული აქვთ კოლმეურნეობებს სამუდამო სარგებლობაში, რჩებიან კოლმეურნეობათა სარგებლობაში იმ პირობით, რომ კოლმეურნეობებს ნება არა აქვთ გადააქციონ ეს ტყეები სხვა სახის მამულად, ე. ი. ნება არა აქვთ ტყის გაკაფვისა.

2. წინადადება მიეცეს საქართველოს სსრ სატყეო მრეწველობის სახალხო კომისარიატს და საქართველოს სსრ მთავარ საკურორტო სამმართველოს, საქართველოს სსრ მიწათმოქმედების სახალხო კომისარიატთან შეთანხმებით, ორი თვის ვადაში დღიდან ამა დადგენილების მიღებისა, განსაზღვრონ ნატურად კოლმეურნეობათა სამუდამო სარგებლობაში გადაცემულ ტერიტორიაზე ტყის ნაკვეთები, რაც საფარი და წყლის დაცვითი მნიშვნელობის ზონაში შედის.

3. უფლება მიეცეს კოლმეურნეობებს ისარგებლონ საფარი და წყლის დაცვითი მნიშვნელობის ზონაში შემავალი ტყის ნაკვეთების მერქნით იმ წესითა და რაოდენობით, რაც დადგენილია სატყეო მრეწველობის სახალხო კომისარიატისა და მთავარ საკურორტო სამმართველოს მიერ საფარი და წყლის დაცვითი ტყეებისათვის.

4. დავალოს სატყეო მრეწველობის სახალხო კომისარიატს და მთავარ საკურორტო სამმართველოს დააწესონ ტყის მეურნეობის წარმოებისა და დაცვის კონტროლი საკოლმეურნეო ნაკვეთებზე, რაც საფარი და წყლის დაცვითი ტყეების ზონაში შედის (მუხ. 2) და უზრუნველყონ ტყის დაცვის წესების დარღვევის აღმოჩენის შემთხვევაში დანაშაუთა პასუხისგებაში მიცემა მომქმედი კანონების თანახმად.

5. ნება მიეცეს კოლმეურნეობებს მათთვის განკუთვნილ მიწებზე, რაც შეტანილია ყამირის გატეხის და საძოვრების გაუმჯობესების გეგმაში, აწარმოონ წინად გაკაფულ ფართობების გაწმენდა, ჯირკვების ამოყრა და ჯაგანარებისაგან გაწმენდა.

6. ეს დადგენილება ეცნობოს სსრ კავშირის სახალხო კომისართა საბჭოს.

საქ. სსრ ს. კ. ს.-ის თავმჯდომარე გ. ბაქრაძე.

საქ. სსრ ს. კ. ს.-ის საქმეთა მმართველი გ. ბუჯიაშვილი.

1937 წ. ივლისის 21.

ქ. თბილისი.



89. დადგენილება ს. კ. ს.

1938 წელს გერანიის გაშენების გეგმის შესახებ.

საქართველოს სსრ სახალხო კომისართა საბჭო ადგენს:

1. 1938 წელს გერანიის პლანტაციების გაშენების გეგმა დამტკიცებულ იქნას 1.220 ჰექტარის რაოდენობით, 1937 წლის გეგმის 920 ჰექტართან შედარებით, და შემდეგი განაწილებით:

რ ა ი ო ნ ე ბ ი	სულ ჰექტარობით	ა ქ ე დ ა ნ ე	
		საბჭოთა მეურნეობებში	კოლექტიურ მეურნეობებში
1. აფხაზეთის ასსრ.	990	400	590
2. აჭარის ასსრ	80	80	—
3. ცხაკაიას რაიონი	150	50	100
ს უ ლ	1220	530	690

2. დაევალოს საქართველოს სსრ მიწათმოქმედების სახალხო კომისარიატს, აფხაზეთის ასსრ ცენტრალურ აღმასრულებელ კომიტეტთან და ცხაკაიას სარაიონო აღმასრულებელ კომიტეტთან. ერთად გამოყოს ორი თვის ვადაზე კოლექტიურ მეურნეობებსა და საბჭოთა მეურნეობებში გერანიისათვის ვარგისი ფართობები ისეთი ოდენობით, რაც უზრუნველყოფს 1938 წელს გერანიის გაშენების გეგმას.

3. 1938 წელს გერანიის გაშენების გეგმის უზრუნველსაყოფად 1937 წლის შემოდგომაზე გერანიის კალმის დამზადება განისაზღვროს 29.680.000 ცალის რაოდენობით, ხოლო 1938 წლის შემოდგომაზე 2.706.000 ცალის რაოდენობით, შემდეგი განაწილებით რაიონებზე (იხ. დანართი № 1).

4. 1937 წ. გერანიის ახალი სათბურების მშენებლობის გეგმა განისაზღვროს 28.175 ცალი ჩარჩოს რაოდენობით და შემდეგი განაწილებით სექტორებსა და რაიონებზე (იხ. დანართი № 2).

5. წინადადება მიეცეს საქართველოს სსრ მიწათმოქმედების სახალხო კომისარიატს—უზრუნველყოს კოლექტიური მეურნეობების გრძელვადიანი დაკრედიტება 1937 წელს სათბურების მშენებლობისათვის.

6. საქართველოს სსრ მიწათმოქმედების სახალხო კომისარიატმა გამოსცეს სამი თვის ვადაზე გერანიის კულტურის აგროწესები ქართულ, რუსულ და აფხაზურ ენაზე.

საქ. სსრ ს. კ. ს-ის თავმჯდომარის მოადგ. ვ. დეკანოზოვი.
 საქ. სსრ ს. კ. ს-ის საქმეთა მმართველი ვ. ბუჯიაშვილი.

1937 წ. ივნისის 27. № 774.
 თბილისი

გერანიის კალმის დამზადების გეგმა (ცალკეობით)

ავტონომიური რესპუბლიკები და რაიონები	კალმის დამზადების გეგმა ცალკეობით			ა ქ ე დ ა ნ					
	შემოდგომისა	გაზაფხულისა	ს უ ლ	საბჭოთა მეურნეობებში			კოლმეურნეობებში		
				შემოდგომისა	გაზაფხულისა	ს უ ლ	შემოდგომისა	გაზაფხულისა	ს უ ლ
აფხაზეთის ასსრ	24.000.000	2.177.900	26.177.000	9.600.000	920.000	10.520.000	14.400.000	1.357.000	15.757.000
აჭარის ასსრ	2.000.000	184.000	2.184.000	2.000.000	184.000	2.184.000	—	—	—
ცხაკიას რაიონი	3.680.000	345.000	4.025.000	1.200.000	115.000	1.315.000	2.480.000	230.000	2.710.000
	29.680.000	2.706.000	32.386.000	12.800.000	1.219.000	14.019.000	16.880.000	1.587.000	18.457.000

გერანიის სათბურების მშენებლობის გეგმა

ავტონომიური რესპუბლიკები და რაიონები	არსებული სასათბურო ჩარჩოები ცალკეობით	დამატებითი სასათბურო ჩარჩოების მშენებლობის გეგმა ცალკეობით	სულ სასათბურო ჩარჩოები (ცალკეობით)	შ ე ნ ი შ ე ნ ა
აფხაზეთის ასსრ	36.827	23.175	60.002	
აჭარის ასსრ	5.000	—	5.000	
ცხაკიას რაიონი	4.200	5.000	9.200	
	46.027	28.175	74.202	

90. დადგენილება ს. კ. ს.

სავალდებულო ნატურალური ჩაბარების, სამანქანო-სატრაქტორო სადგურების მიერ კოლმეურნეობებთან დადებული ხელშეკრულებებისა და საკონტრაქტაციო ხელშეკრულებების თაობაზე კოლმეურნეობების, კოლმეურნეების და ერთპიროვნულ მეურნეობების საჩივრების განსახილველად კომისიის დააწესების შესახებ.

1. სავალდებულო ნატურალური ჩაბარების, სამანქანო-სატრაქტორო სადგურების მიერ კოლმეურნეობებთან დადებული ხელშეკრულებებისა და დამამზადებლებთან დადებული საკონტრაქტაციო ხელშეკრულებების თაობაზე გამოცემული კანონების არასწორად შეფარდების გამო შემოტანილ საჩივრების განსახილველად, სსრკ სახკომსაბჭოსთან არსებული სასოფლო-სამეურნეო პროდუქტების დამზადებათა სამმართველოს რწმუნებულთან საქართველოს სსრ-ში, მოწყობილ იქნას კომისია შემდეგი შემადგენლობით: კომისიის თავმჯდომარე—სსრკ ს. კ. ს-ოსთან არსებული სასოფლო-სამეურნეო პროდუქტების დამზადებათა სამართველოს რწმუნებული საქ. სსრ-ში, კომისიის წევრები—საქ. სსრ მიწათმოქმედების სახ. კომისარიატის წარმომადგენელი და საქ. სახ. სამეურნეო აღრიცხვის სამმართველოს უფროსი.

2. წინადადება მიეცეს აღნიშნულ კომისიას კოლმეურნეობების, კოლმეურნეების და ერთპიროვნულ მეურნეობების საჩივრები განიხილოს 3 დღის ვადაზე—თუ საჭირო არ არის ადგილზე შემოწმება და 8 დღის ვადაზე თუ საჭიროა ადგილობრივი შემოწმება.

3. კომისიის განსაკუთრებულად მნიშვნელოვანი დადგენილებები უნდა ქვეყნდებოდეს რესპუბლიკურ პრესაში.

4. წინადადება მიეცეს სარაიონო აღმასრულებელ კომიტეტებს და დამზადებათა კომიტეტის სარაიონო რწმუნებულებს ეს დადგენილება დაიყვანონ კოლმეურნეობებსა, კოლმეურნეებსა და ერთპიროვნულ მეურნეობებამდე.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ვ. ბუჯიაშვილი.

1937 წ. ივლისის 21.

თბილისი.

სათევზაო და სანადირო მეურნეობა

91. დადგენილება ს. კ. ს.

„საქართველოს სსრ-ში ნადირობის წესებისა და ვადების თაობაზე“ გამოცემული დადგენილებისათვის მე-7¹ მუხლის დამატების შესახებ.

საქართველოს სსრ სახალხო კომისართა საბჭო ადგენს:

1936 წ. ნოემბრის 3-ის თარიღის და 1417 №-ის დადგენილებას „საქართველოს სსრ-ში ნადირობის წესებისა და ვადების შესახებ“ (საქ. სსრ კან. კრ. 1936 წ. 29 №-ი, მუხ. 174) დაემატოს მე-7¹ მუხლი შემდეგი შინაარსისა:

„7¹ აკრძალულია მარტის 1-დან ნოემბრის 1-მდე ტყეში ნადირობა ღვივილადი მასალისაგან გაკეთებული სატენის გამოყენებით“.

საქ. სსრ ს. კ. ს-ის თავმჯდომარის მოადგ. ვ. ღეკანოზოვი.

საქ. სსრ ს. კ. ს-ის საქმეთა მმართველი ვ. ბუჯიაშვილი.

1937 წ. ივლისის 1. № 811.
თბილისი.

შ ი ნ ა ნ ს ე ბ ი

92. დადგენილება ს. კ. ს.

გადასახადთა და სადაზღვევო გადასახდელთა მიმღები სალაროებისა და სასოფლო შემნახველი სალაროების სათანადო სადგომებით და ნაცადი კადრებით უზრუნველყოფის შესახებ.

„სოფლის მოსახლეობისაგან გადასახადთა და სადაზღვევო გადასახდელთა მიღების ორგანიზაციის შესახებ“ გამოცემული, სსრ კავშირის სახალხო კომისართა საბჭოს 1937 წ. ივნისის 19-ის თარიღის და 972 №-ის დადგენილების შესაბამისად, საქართველოს სსრ სახალხო კომისართა საბჭო ადგენს:

წინადადება მიეცეს აფხაზეთის ასსრ-ისა, აჭარის ასსრ-ისა და სამხრეთ-ოსეთის ავტონომიური ოლქის ცენტრალური აღმასრულებელი კომიტეტებისა და სარაიონო აღმასრულებელი კომიტეტების თავმჯდომარეებს—უზრუნველყონ გადასახადთა და სადაზღვევო გადასახდელთა მიმღები სალაროები, სარაიონო საფინანსო განყოფილებებისა და სასოფლო შემნახველი სალაროები სავსებით ვარგისი სადგომებით და გაუწიონ სარაიონო საფინანსო განყოფილებებს დ

შემნახველ სალაროებს პრაქტიკული დახმარება პოლიტიკურად ნაცადრ-ტების საქმეში.

საქ. სსრ ს. კ. ს-ოს თავმჯდომარის მოადგ. ვ. დეკანოზოვი.

საქ. სსრ ს. კ. ს-ოს საქმეთა მმართველი ვ. ბუჯიაშვილი.

1937 ივლისის 1. № 815.
თბილისი.

93. დადგენილება ს. კ. ს.

გადაზღვევა ცალკეული კატეგორიებისათვის შენობის გადასახადის შენობის ღირებულების 2%-მდე გადიდების შესახებ.

„შენობის გადასახადისა და მიწის რენტის შესახებ“ გამოცემული, სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს 1930 წ. ნოემბრის 23-ის დადგენილების 1-ლი მუხლის „გ“ პუნქტის შესაბამისად (სსრკ კან. კრ. 1930 წ. 58-ე №-ი, მუხ. 612) საქართველოს სსრ სახალხო კომისართა საბჭო აღგენს:

1. ნება დაერთოს საქალაქო საბჭოებს გაადიდონ 1937 წ. იანვრის 1-დან იმ შენობების გადასახადი, რაც იმ პირობებში: ა) რომელნიც დაბეგრილი არიან საშემოსავლო გადასახადის განაკვეთის მე-3 განრიგის თანახმად; ბ) რომელთაც სასამართლო წესით ჩამორთმეული აქვთ საარჩევნო უფლებები და რომელნიც სამსახურში ან სამუშაოზე არ იმყოფებიან და გ) რელიგიური კულტის საზოგადოებათა—შენობის ღირებულების 2%-მდე.

2. გაუქმებულ იქნას საქართველოს სსრ სახალხო კომისართა საბჭოს დადგენილებანი 1936 წ. აპრილის 22-ის თარიღის და 425 №-ისა (საქ. სსრ კან. კრ. 1936 წ. მე-14 №-ი, მუხ. 85) და 1937 წ. მაისის 4-ის თარიღის და 444 №-ისა.

საქ. სსრ ს. კ. ს-ოს თავმჯდომარის მოადგ. ვ. დეკანოზოვი.

საქ. სსრ ს. კ. ს-ოს საქმეთა მმართველი ვ. ბუჯიაშვილი.

1937 წ. ივლისის 1. № 788.
თბილისი.

უ რ ო მ ა

94. დადგენილება ს. კ. ს.

შალალი კვალიფიკაციის სპეციალისტების სამუშაო ხელფასის პერსონალური განაკვეთების დანიშვნის წესის შესახებ.

საქართველოს სსრ სახალხო კომისართა საბჭო ადგენს:

1. უფლება მიეცეს საქართველოს სსრ სახალხო კომისარიატებს და ცენტრალური დაწესებულებების და ორგანიზაციების ხელმძღვანელებს დაამტკიცონ ხოლმე შალალი კვალიფიკაციის სპეციალისტების სამუშაო ხელფასის პერსონალური განაკვეთები არა უმეტეს, ვიდრე 900 მანეთის ფარგლებში თვიურად.

2. სამუშაო ხელფასის პერსონალურ განაკვეთებს 900 მანეთზე მეტი რაოდენობით თვიურად ამტკიცებს საქართველოს სსრ სახალხო კომისართა საბჭო.

3. ამა დადგენილების 1-ლ და მე-2 მუხლში გათვალისწინებული სამუშაო ხელფასის პერსონალური განაკვეთები დანიშნულ უნდა იქნას სათანადო დაწესებულების, წამოწყების ან ორგანიზაციისათვის დამტკიცებული სამუშაო ხელფასის წლიური ფონდის ფარგლებში.

4. სამუშაო ხელფასის პერსონალური განაკვეთების დანიშვნის დროს დაცულ უნდა იქნას მომქმედი შემზღუდველი წესები, რომლებიც ეხება იმ პირთა პერსონალური განაკვეთების გადიდების წესს, ვინც სამუშაოზე იმყოფებოდა „პურის, ფქვილისა და ბურღულის საბარათო სისტემის გაუქმების შესახებ“ 1934 წ. დეკემბრის 7-ის კანონის გატარების დროს (სსრკ კან. კრ. 1934 წ. 61 №-ი, მუხ. 445; 1935 წ. მე-4 №-ი, მუხ. 35; 28 №-ი, მუხ. 227).

5. სამუშაო ხელფასის პერსონალური განაკვეთები არ შეიძლება დაენიშნოს პასუხსაგებ თანამდებობაზე მყოფ პირთ, რომელთა სამუშაო ხელფასის განაკვეთებიც დაწესებულია სსრ კავშირის მთავრობის სპეციალური დადგენილებით.

საქ. სსრ ს. კ. ს-ოს თავმჯდომარის მოადგ. ვ. დეკანოზოვი.

საქ. სსრ ს. კ. ს-ოს საქმეთა მმართველი ვ. ბუჯიაშვილი.

1937 წ. ივლისის 1. № 798.

თბილისი.

გ ა ნ ა თ ლ ე ბ ა

95. დედგენილება ც. ა. კ.

მატერიალური კულტურისა და ხელოვნების ძეგლთა დაცვის შესახებ.

სრულიად საქართველოს ცენტრალური აღმასრულებელი კომიტეტი ადგენს:

1. მატერიალური კულტურისა და ხელოვნების ძეგლთა დაცვა გადაეცეს საქართველოს სსრ სახალხო კომისართა საბჭოსთან არსებული ხელოვნების საქმეთა სამმართველოს გამგებლობაში.

სრულიად საქართველოს ცენტრალური აღმასრულებელი კომიტეტის პრეზიდიუმთან არსებული კულტურისა და ხელოვნების დაცვის კომიტეტი გაუქმებულ იქნას და მისი შტატი და 1937 წლის ბიუჯეტით გათვალისწინებული სახსარი გადაეცეს ხელოვნების საქმეთა სამმართველოს.

2. ხელოვნების საქმეთა სამმართველოსთან მოწყობილ იქნას კულტურისა და ხელოვნების ძეგლთა დაცვის განყოფილება.

3. სახალხო კომისართა საბჭომ:

ა) განიხილოს და დაამტკიცოს აღნიშნული განყოფილების შტატები;

ბ) დაევალოს ხელოვნების საქმეთა სამმართველოს—მოახდინოს კულტურისა და ხელოვნების ყველა ძეგლის ხელახალი აღრიცხვა და განსაზღვროს იმ ძეგლთა ზუსტი ნომენკლატურა, რომლებზედაც უნდა გავრცელდეს სახელმწიფო ზედამხედველობა და დაცვა;

გ) დაევალოს სარაიონო აღმასრულებელ კომიტეტებს და საქალაქო საბჭოებს—გაუწიონ ხელოვნების საქმეთა სამმართველოს ყოველგვარი დახმარება განზრახული სარესტავრაციო სამუშაოებისა და ძველი დროის ძეგლების დაცვის ღონისძიებათა ადგილობრივ განხორციელების საქმეში;

დ) განსაზღვროს ძველი დროის ძეგლების რესტავრაციისათვის საჭირო ღონისძიებათა დაფინანსების საერთო მოცულობა 1937 წელს 1.800 ათასი მან. რაოდენობით; აქედან სახელმწიფო მუზეუმის ღონისძიებათათვის—150 ათასი მანეთი;

ე) განიხილოს და დაამტკიცოს 1927 წლის სამუშაოთა ობიექტები და მათი ხარჯთაღრიცხვები.

4. დაევალოს ხელოვნების საქმეთა სამმართველოს:

ა) შეიმუშაოს ორი თვის ვადაზე ძველი დროის ძეგლთა რესტავრაციისა და დაცვის სამწლიური გეგმა და წარუდგინოს იგი დასამტკიცებლად საქართველოს სსრ სახალხო კომისართა საბჭოს.

ბ) წარუდგინოს ერთი თვის ვადაზე სახალხო კომისართა საბჭოს იმ ცვლილებათა პროექტი, რომლებიც შეტანილი უნდა იქნენ მომქმედ კანონმდებლობაში.

სრ. საქ. ც. ა. კ-ის თავმჯდომარე ფ. მახარაძე.

სრ. საქ. ც. ა. კ-ის მდიენის მ. ა. გ. გოჩაშვილი.

1937 წ. ივნისის 7. № 214.
თბილისი.

სოციალური უზრუნველყოფა

96. დადგენილება ს. კ. ს.

საქართველოს სსრ სოციალური უზრუნველყოფის სახალხო კომისარიატთან არსებული ინვალიდთა შრომითი მოწყობის საბჭოს გაუქმების შესახებ.

საქართველოს სსრ სახალხო კომისართა საბჭო ადგენს:

1. საქართველოს სსრ სოციალური უზრუნველყოფის სახალხო კომისარიატთან არსებული ინვალიდთა შრომითი მოწყობის საბჭო გაუქმებულ იქნას.

2. აღნიშნული საბჭოს ფუნქციები ინვალიდების შრომითი მოწყობის საქმეში დაეკისროს საქართველოს სსრ სოციალური უზრუნველყოფის სახალხო კომისარიატს, სათანადო სახალხო კომისარიატებთან და უწყებებთან ინვალიდების შრომითი მოწყობისათვის საჭირო ღონისძიებათა შეთანხმებით.

3. საქართველოს სსრ სახალხო კომისართა საბჭოს 1931 წ. აგვისტოს 13-ის დადგენილებით დამტკიცებული დებულება საქართველოს სსრ სოციალური უზრუნველყოფის სახალხო კომისარიატთან არსებული ინვალიდთა შრომითი მოწყობის საბჭოს შესახებ (საქ. სსრ კან. კრ. 1931 წ. მე-18 №-ი, მუხ. 21) გაუქმებულ იქნას.

საქ. სსრ ს. კ. ს-ოს თავმჯდომარის მოადგ. ვ. დეკანოზოვი.

საქ. სსრ ს. კ. ს-ოს საქმეთა მმართველი ვ. ბუჯიაშვილი.

1937 წ. ივლისის 1. № 784.
თბილისი.

სასამართლო წყობილება და სამართლის წარმოება

97. დადგენილება ც.ა.კ. და ს.კ.ს.

მთავარი რესპუბლიკური სანოტარო კანტორის მოწყობის შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო აღგენენ:

1. რეორგანიზებულ იქნას 1937 წ. ივლისის 1-დან თბილისის სახელმწიფო სანოტარო კანტორა მთავარ რესპუბლიკურ სანოტარო კანტორად, რომელსაც მეთაურობს უფროსი ნოტარიუსი.

2. დაეკისროს უფროს ნოტარიუსს საქართველოს სსრ სანოტარო ორგანოების საქმიანობის ხელმძღვანელობა და ზედამხედველობა და ამავე დროს მთავარი რესპუბლიკური სანოტარო კანტორის ოპერატიული სანოტარო ფუნქციების აღსრულება.

3. მთავარი რესპუბლიკური სანოტარო კანტორის შესანახად საჭირო ხარჯი მიეკუთვნოს 1937 წელს სანოტარო ორგანოების შესანახად საქართველოს სსრ იუსტიციის სახალხო კომისარიატის ხარჯთაღრიცხვით გადადებულ სახსარს.

4. მიენდოს საქართველოს სსრ იუსტიციის სახალხო კომისარიატს:

ა) წარუდგინოს ორი დეკადის ვადაზე საქართველოს სსრ სახალხო კომისართა საბჭოს პროექტი დადგენილებისა საქართველოს სსრ კანონმდებლობაში ამა დადგენილებიდან გამომდინარე ცვლილებათა შეტანის შესახებ;

ბ) განსაზღვროს მთავარი რესპუბლიკური სანოტარო კანტორისა და უფროსი ნოტარიუსის ფუნქციები და დაამტკიცოს სათანადო ინსტრუქცია.

სრ. საქ. ც. ა. კ-ის თავმჯდომარე ფ. მახარაძე.

საქ. სსრ ს. კ. ს-ოს თავმჯდომარის მოადგ. ვ. დეკანოზოვი.

სრ. საქ. ც. ა. კ-ის მდივნის გ. გოჩაშვილი.

1937 წ. ივლისის 29. № 217/886.

თბილისი.

98. დადგენილება ს.კ.ს.

იმ დოკუმენტების ნუსხის დამატების შესახებ, რომლებითაც გადახდევინება სწარმოებს სანოტარო ორგანოების სააღსრულებო წარწერების თანახმად.

საქართველოს სსრ სახალხო კომისართა საბჭო აღგენს:

დაემატოს „ა“ კარს საქართველოს სსრ სახალხო კომისართა საბჭოს 1932 წ. მაისის 23-ის დადგენილებისას „იმ დოკუმენტების შესახებ, რომლე-

ბითაც გადახდევინება წარმოებს სანოტარო ორგანოების სააღსრულებო ორგანოების თანახმად (საქ. სსრ კან. კრ. 1932 წ. მე-15 №-ი, მუხ. 126; 21-ე №-ი, მუხ. 208; 24-ე №-ი, მუხ. 256; 1933 წ. 1-ლი №-ი, მუხ. 26; 1934 წ. 1-ლი №-ი, მუხ. 35; მე-14 №-ი, მუხ. 138; 25-ე №-ი, მუხ. 199; 33-ე №-ი, მუხ. 254; 1935 წ. მე-5 №-ი, მუხ. 32; 32 №-ი, მუხ. 206 და 207; 1936 წ. მე-7 №-ი, მუხ. 52; მე-12 №-ი, მუხ. 76; 23-ე №-ი, მუხ. 139) 38 პუნქტი შემდეგი შინაარსისა: [სანოტარო კანტორები და მათი მონაცვლე ორგანოები (სახელმწიფო ნოტარიატის დებულების 1-ლი მუხლი—საქ. სსრ კან. კრ. 1928 წ. მე-16 №-ი, მუხ. 157) გაუქმებენ სააღსრულებო წარწერებს შემდეგ დოკუმენტებს:

ა. ფულის გადასახდევინებლად:.....]

„38. ქალ. თბილისის სამშენებლო-საწარმოო მილსაწმენდ-საღუმელო ტრესტის განწესს სახლის პატრონთა და სახლმმართველობათა მიერ კვამლსადენების გაწმენდისათვის შესატან ვადიგადაცილებულ სასყიდელზე, უკეთაუ ამასთანავე წარდგენილ იქნება შესრულებული სამუშაოს და ხვედრი სასყიდლის განწესი და სახლის პატრონის თუ სახლმმართველობის ხელწერილი, რომ მას განწესი წარედგინა, ან ტრესტის დირექტორის აღნიშვნა, რომ სახლის პატრონმა თუ სახლმმართველობამ ასეთი ხელწერილის მიცემაზე უარი სთქვა“.

საქ. სსრ ს. კ. ს-ოს თავმჯდომარის მოადგ. ვ. ლეკანოზოვი.

საქ. სსრ ს. კ. ს-ოს საქმეთა მმართველი ვ. ბუჯიაშვილი.

1937 წ. ივლისის 1. № 792.

თბილისი.



ფასი 25 კაპ.

გამომცემელი საქ. სსრ ს. კ. ს-ის 1937 წ. № 25. პ/მ. რედაქტორი ი. შეღავაძია
საქმ. მმართველობა

ქალაქის ფორმატი 62x94 სმ; 1 ბეჭდვ. ფურც.; 1 ბეჭდვ. ფურც. 48.500 სტამბ. ნიშანი
გადაეცა სტამბას 1/IX, ხელმოწერილია დასაბეჭდად 10/X; ტირაჟი 2.000

მთავლიტის რწმ. № 31125 საქ. სსრ სახალხო კომისართა საბჭოს სტამბა შეკ. № 1139-ა